

陶文毅公全集

陶文毅公全集卷二目錄

奏疏 謝摺

恭謝

頒賜

御論摺子

恭謝

頒賜

御製養正書屋全集摺子

恭謝

頒賜

欽定大清會典摺子

恭謝

頒賜

欽定春秋左傳摺子

恭謝

欽頒大清通禮摺子

恭賀平定回疆生擒張逆摺子

恭謝

頒賜

御書受俘禮成詩刻摺子

恭謝

頒賜

仁宗聖訓全部摺子

恭謝

頒賜

御製詩初集全部摺子

恭謝

頒賜

御製巡幸盛京詩一部摺子

恭謝

頒賜

御製文初集一部摺子

恭謝

頒賜康熙字典摺子

恭謝

頒賜平定回疆勦擒逆裔方畧摺子

恭謝

頒賜回疆戰圖摺子

恭謝

御賜印心石屋四字扁額摺子

恭進

御書印心石屋墨寶圖冊並謝

恩摺子

安徽省志告成議敘謝

恩摺子

恭謝

賞戴花翎摺子

恭謝京察奉

諭議敘摺子

恭謝

聖恩賞壽摺子

奏疏 謝摺

恭謝

頒賜

御論摺子

奏爲恭謝

天恩事

臣

齋摺差弁回院奉到

欽頒

御論二篇

臣

謹卽恭設香案叩頭祇領跪誦之下仰見

我

皇上德孚誠正



道闡精微

本治己以治人

揭心法爲治法

教宏洙泗衍之爲十六字之眞傳

盛協唐虞垂之卽千百王之令範蓋惟

聖不自聖而

聖學必極其精因之

心以印心而

心契愈昭其合

微臣

學慚蠡測識類管窺仰

數極於

皇謨

訓行彌凜效颺言於

帝世贊頌難名所有

微臣

感佩下忱理合繕摺恭謝

天恩伏祈

皇上聖鑒謹

奏

道光三年四月十七日奉到

硃批知道了欽此

恭謝

頒賜

御製養正書屋全集摺子

奏爲恭謝

天恩仰祈

聖鑒事竊臣齋摺差弁回皖捧到

頒賜

御製養正書屋全集謹郊迎至署望

闕叩頭焚香跪讀欽惟我

皇上德秉生知

學承

彝訓嘉名

肇錫

元良孚

默簡之心養正

親題

聖教揭誠存之本迪

心傳而

念典紹

皇極以

敷言

賡和

天章復旦著星雲之燄

闡揚經義爲章垂日月之華論世知人義歸懲勸因文

見道體貫箴銘蓋游藝所以

養心聿徵志道據德依仁之效而

作聖必先正己爰括興詩立禮成樂之全

聖德備極其形容

雅化宏敷夫

聲律竊幸

鴻文先覩勝誦湯盤禹鼎之詞伏願

聖敬日躋彌光

樂善

味餘之盛所有

臣

忭誦欽感下忱理合恭摺叩謝

天恩伏乞

皇上聖鑒謹

奏

道光四年二月二十五日奉到

硃批知道了欽此

恭謝

頒賜

欽定大清會典摺子

奏爲恭謝

天恩事頃由提塘遞到

頒賜

欽定大清會典全部臣謹卽出郊跪迎至署望

闕叩頭祇領欽惟

皇上紹

庭出治纘

聖綏猷始和懸象魏之書陳常時夏無逸式康田之

訓敷錫庶民

亶聰明而作之

君

師政惟由

舊觀會通以行其典禮善必稱

親仰惟

仁宗睿皇帝拊本引綱斟元

立極

大廷



授璽

一心孚

六聖之傳冊府鑄珍四輯會

三朝之典百九十餘年之掌故臧揆而入

裁成千一百餘卷之牙籤悉紉綬而歸

折衷規模旣富典則咸昭

謨不顯而

烈不承聿著

經綸於

駿造

述者明而

作者聖爰徵

佑啟於

鴻圖臣獲覩

崇編欽承

渥賜安上治民莫如禮體本

心精經天緯地謂之文粲如眉列嚮以福威以極敷

彝教而是訓是行遠乃猷裕乃民紹

德音而用康用保變而通之盡利損益可知識其大者爲

賢方策具在若稽古重華協于帝迪乃

前光繼自今立政用以人

聖惟時憲所有臣欽誦感忭下忱理合繕摺叩謝

天恩伏乞

皇上聖鑒謹

奏

道光四年二月二十五日奉到

硃批知道了欽此

恭謝

頒賜

欽定春秋左傳摺子

奏爲恭謝

天恩事竊臣奉到

頒賞

欽定春秋左傳讀本一部當卽恭設香案望

闕叩頭祇領欽惟我

皇上亶聰懋學

稽古同文

陶文毅公全集

卷二

奏疏

八

道闡麟符既擴元苞於

景命模垂

鴻則更傳

鉅製於儒林緬春秋本經世之書獨左氏得屬辭之要  
軼公羊穀梁之曲說所見各殊紹

彙纂

直解之遺篇其文具在由古哲數求古哲

君本兼

師惟

聖人能知聖人作仍善述元元本本列眉而傳自爲篇

是是非非綴尾而篇皆有注抉地志山經之奧道  
里無遺訂別風淮雨之譌形聲必協尊王之義大  
一統敷施悉載於

皇言良史之職備三長折衷爰歸於

至教臣質慚抱蠹識等測蠡幸窺

乙覽之精微獲奉

宸編而肄誦願書萬本用識中心悅服之誠莫贊一辭

彌仰

盛世觀文之化所有臣感佩欣忭下忱謹繕摺恭謝

天恩伏乞

皇上聖鑒謹

奏

道光四年六月二十四日奉到

硃批知道了欽此

恭謝

欽頒大清通禮摺子

奏爲恭謝

天恩事頃摺弁回蘇齎奉

欽頒大清通禮到臣謹卽恭設香案望

闕叩頭祇領欽惟

皇上德隆抱一

治懋函三

纂承綿

燕翼之



謨敕

天基

命

制作應

鴻文之運軌物納民惟我

朝通禮之編邁歷代惇庸之典溯

初垂於

純廟典則堪徵

詔續輯於

睿皇紀綱大備

光昭

嗣服陳常則率

祖攸行

訓稟

紹衣通變則使民不倦哀五十卷之書而增以四帙萃  
六十年之故而彙爲一篇若網在綱如泥從印辨  
名辨色辨數辨位監于

成憲無愆貴多貴少貴質貴文由乃

舊典時式知其說者既易掌視諸斯舉而措之咸宜

心傳宛在臣習疎綿蕞記乏曲臺仰

象魏之書懸識睢麟之

澤遠經而等也必於禮政以人存推而行之存乎通道與

時達中以規中以矩譬模範於良工作之

君作之

師亶聰明惟

元后相小民是彛是訓曰允惟

皇極之敷言繼自今不愆不忘敢對揚

天子之

庥命所有

微臣

欽忭忻幸下忱理合繕摺叩謝

天恩伏祈

皇上聖鑒謹

奏

道光六年九月三十日奉到

硃批知道了欽此

恭賀平定回疆生擒張逆摺子

奏爲叩賀

天喜仰祈

聖鑒事茲

臣

接閱邸抄欣悉逆回張格爾就擒欽奉

上諭長齡等奏生擒首逆由八百里加緊馳報覽此捷  
奏實深嘉悅寅感之餘與中外臣民同深慶幸等因  
欽此逃聽之下曷勝忭舞歡忻之至欽惟

皇上德隆泰運

道洽師貞若日月之照臨佑冒弗遺西土卽雨風之調

變會歸早協

皇圖屬小醜偶肆披猖致

天討遠勞撻伐

簡元戎而宏

廟算有將皆飛策勁旅以振

國威無堅不破士氣倍增奮迅

神功默運扶持鹿險欲窮黨項願爲先導虎嵎旣失

谷渾遂報生擒雪嶺塵清玉關春曉計鬼方之克

何待三年洗瀚海之兵弗遺一矢將軍訝從天而

下壯士歌入塞而還臣快誦露章歡臚星庶當

北闕獻俘之日正東風應律之時

大德曰生殲渠魁而

恢仁網止戈爲武綏邊徼而慶

春臺

經綸遠邁夫漢唐干羽直追夫虞夏有不戰戰必勝共  
仰堂堂正正之師不言功功最高彌欽蕩蕩巍巍  
之

聖所有

微臣

踴躍欣忭下忱謹率同江寧布政使

臣賀

長齡蘇州布政使

臣

梁章鉅署江蘇按察使

臣潘

恭常繕摺恭賀

天喜伏乞

皇上聖鑒謹

奏

道光八年三月二十日奉到

硃批知道了欽此



恭謝

頒賜

御書受俘禮成詩刻摺子

奏爲恭謝

天恩仰祈

聖鑒事頃由摺并齋奉

御書受俘禮成詩刻

頒賞到

臣

謹卽恭設香案望

闕叩頭祇領跪誦之下欣忭難名欽惟

皇上勲猷耆定

聲教覃敷

抒遠畧以揚威龍堆萬里應清鏡而入吹鳬藻三軍惟  
九重以保大定功斯薄海慶止戈爲武銀河洗雨全歸  
瀚海之師金鐙敲風生繫樓蘭之頸儀成授馘憤  
泄同仇有成功必有文章

堯天魏煥告禮明亦告樂備

舜陛賡颺玉振金聲

宸咏發鈞天之響星輝雲潤

璿毫垂寶墨之光夫以鐵勒來庭調翻鷺曲燕然刊石

跡補狼居鬼方深入以三年獫狁徂征於六月猶

煩作頌每見陳詩矧夫馳到紅旗白馬貢析支渠  
搜而外牽來自組廣周庭每牛雖馬之圖擒頡利  
於行閒不詡秦王破陣縛兜題於馬上長歌壯士  
入關凡茲迅奏之

膚功悉本如神之

勝算

御樓俯視知此虜早在目中

天藻親揮以大義布告天下覆昏暴乃以同遠邇歎

聖人戢武之慮長恢

舊服卽以煥新猷仰

盛世

觀文之化洽微臣獲瞻

奎什敬睹

瓊鐫景

聖製之高深洵遠軼於酌桓般賚繹

淵懷之虔輦彌用惕乎疏附後先十二宮十二侯誦十

二韻於鑠之

鴻篇風宣凱樂億萬里億萬民祝億萬年無疆之

駿業慶普洪延所有臣感幸欣忭下忱謹繕摺恭謝

天恩伏乞

皇上聖鑒謹

奏

道光八年十一月初八日奉到

硃批知道了欽此

恭謝

頒賜

仁宗聖訓全部摺子

奏爲恭謝

天恩事竊

臣

摺并回蘇齎奉

仁宗睿皇帝聖訓全部

頒賞到

臣

當卽恭設香案望

闕叩頭祇領欽惟

仁宗睿皇帝

治協重熙

道隆繼運

秉

元后聰明之哲隆

大廷

授

受之儀乃

聖乃

神從欲慶四方之治是

彝是

訓無疆垂萬世之祿我

皇上烈以承

謨

明能述

聖

念億萬姓飲

和食

德

邳治常昭溯廿五年

宣諭

批章



嘉言具在

模範雖修於

寶籙寢區未覩夫

宏編爰

命館

臣

纂修

聖訓書成百有十卷視典謨訓誥而彌著光華類分三十

六門合

綱紀

文章而悉臻美備輝生卷帙

遺徽經

乙覽之勤

頒及臣工

乖誠作寅清之勗

臣叨蒙

知遇感慕

生成仰今茲刊

賜之

典章都曩昔欽承之

詔令展

德音之巍煥重覩

絲綸誦

鉅製之敷揚彌傾葵藿惟有竭茲愚鈍稍體

聖人纂

緒之心勉期仰答

仁慈用宣

盛世紹衣之治所有臣感激下忱謹繕摺恭謝

天恩伏乞

皇上聖鑒謹

奏

道光九年五月十二日奉到

硃批覽欽此

恭謝

頒賜

御製詩初集全部摺子

奏爲恭謝

天恩事頃差升回蘇齋奉

御製詩初集全部

頒賜到臣謹卽郊迎至署望

闕叩頭祇領跪誦之下忻佩難名玉振金聲宛覲鈞

天之雅奏星輝雲潤宏開

盛世之光華欽惟我

皇上稽古垂謨

敷言

錫極

泳仁游藝緝熙繩日月之功

握符闡珍煥發啟乾坤之祕緬昔

璠編養正咸美哉而頌始基迄茲

奎製緘初更衷然而成

鉅集天下之文在於是莫匪親賢樂利之遺

聖人之情見乎詞彌深

夙夜幾康之警

發號施令豈乏咨詢

享

帝尊

親如聞殷賚相小民安於耕鑿敢忘靈雨桑田知大計重  
在河漕不唱秋風瓠子千尋玉海南船興挽粟之  
歌十曲金櫺西極送吹鐃之響若乃於臺於沼同  
樂亦及禽魚偶爾在水在山振籟非關絲竹是蓋  
聖惟時憲聲與政通經天緯地之謂文無非事者化民  
成俗必由學於此徵之

鴻疇既省歲爲程

龍紀復按年可考比隔八而生六律是日黃鍾大呂之

音欲襲六而成一經快誦清廟明堂之什臣學慚

窺管心切近

光仰惟

制作之

高深倍切軒轅於鼓舞憶昨趨承

芝殿十二番親領

堯言睹茲阜解

薰廷廿四卷載歌

舜律唐虞之際斯爲盛允欽蕩蕩巍巍雅頌所稱何以

加益識元元本本從此

宸篇愈富

聖敬恒躋三百篇可蔽一言願誦詩而聞

政教一二日維熙庶績景

勅命而效賡颺所有微臣感佩忭幸下忱謹繕摺恭謝

天恩伏祈

皇上聖鑒謹

奏

道光十年閏四月十二日奉到

硃批知道了欽此



恭謝

頒賜

御製巡幸盛京詩一部摺子

奏爲恭謝

天恩仰祈

聖鑒事頃由差弁齎奉

御製巡幸盛京詩一部

頒賜到臣謹卽出郊跪領至署盟誦之下仰見我

皇上志切繩

先心殷紹

聖善爲繼而善爲述

神模悉稟夫

高

曾格有

廟而格有家

法駕爰臨夫豐鎬奉

慈輿而將

茂典

養侍維勤因耆定而

告成功

勲歸有赫

橋山弓劍當年之風雨如聞

原廟衣冠率土之共球畢萃升香而

隆恩殿啟酌匏則

惇敘筵開霜馬雲梯

英謨髣髴糠鎧土壁

儉訓留貽十亭二木之間想見

一心

一德四塔三關之外長環千水千山允惟

帝業之艱難敢忘歌頌彌益

聖功之巍煥盛有文章寫登樓出塞之雄風宛爾秋橫

馬上聽

賜復

蠲租之藹諺帶回春到人間凡此聲金振玉之

鴻詞莫匪法

祖勤民之

實蹟幽館流觀而後鮮睹嗣音高山荒度之餘頓開

制作

微臣

緣慳豹尾測抱蠡衷譜卿雲復旦之辭難名

舜孝誦清廟生民之什倍郁

周文記第頌於金門十聯詩在願長歌夫玉檢

萬歲籌增所有臣佩頌欣忭下忱謹繕摺恭謝  
天恩伏乞

皇上聖鑒謹

奏

道光十年六月十六日奉到

硃批覽欽此

恭謝

頒賜

御製文初集一部摺子

奏爲恭謝

天恩事頃摺弁回江捧到

恩賞

御製文初集一部當卽望

闕叩頭敬謹領誦欽惟我

皇上道契乾苞

治隆離照

凜

璇題於

養正

秉金鑑以敷宏

詞可爲經體備乎典謨訓誥

文以載道義賅乎治教政刑積之十年蔚爲初集

論學則精研六籍

慎修則旨遠四箴

紀

先皇丕顯之謨

情殷纘

緒

頌

聖母無疆之

壽慶篤

思齊

序通禮以牖民渾樸遠超漢詔

揭武功而示後裔皇不數唐碑

特獎殊庸

褒贊倍榮夫召虎



酌蠲常貢

訓詞更切於旅獒卽息兵罷役之章

周知民隱

申曲法徇私之戒益勵官箴至若

賦軼淩雲辭成喜雪

美天閑之翔玉選備駒駉

銘藝苑之澄泥珍逾鸚鵡豈僅多文以爲富實乃體物

而不遺

臣

識愧管窺學窮益贊記往歲

崇編寵錫已欽

詩教之淵涵喜今茲

宸帙遙頒復荷

文思之光被

琅函乍啟彩煥非煙玉檢初披

恩叨垂露從此

鴻裁日富由五十九篇而遞衍爲京垓允宜蛾術時勤

合三五六經而共遵夫

典則所有微臣感佩悅服下忱謹繕摺恭謝

天恩伏乞

皇上聖鑒謹

奏

道光十一年十月初三日奉到

硃批知道了欽此

恭謝

頒賜康熙字典摺子

奏爲恭謝

天恩事頃

臣接奉

頒賞康熙字典一部謹卽望

闕叩頭祇領欽惟我

皇上道懋寅承

謨敷

乙覽苞符聿啟

憲章允迪夫

前微

作

述相承

念典不遺於小學洪惟

聖祖仁皇帝字典一書參聲氣於譯鞮考淵源於篆籀萃  
唐宋元明之音韻極析毫芒擷經史子集之訓詞  
務窮根柢比字彙而補遺更博較說文而分部彌  
精洵官府之準繩爲士林之圭臬茲際

治隆繩

武

教洽同文爰

詔

臣

工散加剗既無魚魯烏焉之誤亦免紂紅許綠之疑或遵

御纂之經缺末筆以昭敬謹或仿科場之例照原書以便

訓行百餘年舊籍仍鐫輝騰奎壁四十部新函

特資慶溢簪裾

臣

功謝囊螢識慙窺豹木天曩到籤題

雖睹夫瑯嬛玉笈重披簿領久荒夫鉛槧廼復仰

叨

寵錫與沐

光榮幸承

優渥之施益切鑽研之志惟有三薰傳寫期俊造以同  
珍還應什襲尊藏俾子孫而永守所有微臣欽感  
欣幸下忱謹繕摺恭謝

天恩伏乞

皇上聖鑒謹

奏

道光十一年十月初三日奉到

硃批覽欽此

恭謝

頒賜平定回疆剿擒逆裔方畧摺子

奏爲恭謝

天恩仰祈

聖鑒事頃

臣奉到

欽頒平定回疆剿擒逆裔方畧一部謹卽恭設香案望

闕叩頭祇領欽惟

皇上思文光被

聖武懋昭

隆七德以宣威恢宏



駿績

攬九功而敘事焜燿

鴻編戰紀八圖

算先十策蓋止戈爲武撻伐皆

廣運之神斯保大定功

制作極

憲章之燉方道也畧法也一自

奎文揭示光華炳著以千秋

謨顯哉

烈承哉仰惟

祖武克繩史籍昭垂於百代蠢茲霍集占之回孽乃有張  
格爾之元兇假和卓以率羆貔花門嘯聚結浩罕  
而爲狼狽蔥嶺橫行紀本妄干辜由自速我

皇上幾操指掌

命策股肱九天九地之師四正四奇之畧霆驅電掃地  
水貞符雪沃冰摧天山唱凱紅旗飛處獻泮則鐘  
鼓流音白組牽來

告

廟而馨香

舉典上

奏疏

奏疏

慈聞之

徽號懿矣

尊親銘冊府之勲庸煌茲帶礪四十人

閣光繪紫旅肅琕弓百千仞山色鑱青

詩標鐵蓋凡此

膚功之迅奏悉緣

帷畫之周詳允宜大一統而作春秋善後匪同於戊己

尤喜奉重編而稽歲月承

先怡紀乎庚寅

製仰同文體由

獨斷

臣

未親敵愾獲暗編摩定識花牛打坂之遐荒無

遠弗屆况際白犬獐民之版嚮連類堪書料有萬  
全遺無一失

天之所助者順也知

盛世服以心誠兵不得已而用之惟

聖人情由辭見八十函臨風盥誦莫贊

高深億萬禋就

日枕輪長殷頌禱所有

臣

欽感榮幸下忱謹繕摺恭謝

天恩伏乞

皇上聖鑒謹

奏

道光十二年十一月二十三日奉到

硃批覽欽此

恭謝

頒賜回疆戰圖摺子

奏爲恭謝

天恩事頃臣奉到

頒賞新疆戰圖十幅謹卽恭設香案叩頭祇領欽惟我  
皇上智由

天錫道闢

前光

秉七德以戢干戈安民和衆赫九垓而昭震疊近悅遠  
來蠢爾回首敢干

天討六師旣出萬里斯同底須劒斬樓蘭長纓繫得已  
報生擒吐谷巨檻驅來遂開

紫閣以延勲更

命丹青而入繪神傳阿堵揮戈則毛髮俱森勇賈吾餘  
聚米而山川在列極狐兔踉蹌之狀霆擊風號窮  
鯢鯢宛轉之情沙飛水立計自渾巴什河之首捷  
以洎喀爾鐵蓋之擒渠八戰成功全神在握地水  
寫師貞之象筆浣銀河天山傳凱唱之聲春回玉  
帳遄馳捷布爰譜俘功

五鳳樓前望

黃衣而知

聖六龍

輦外扶

翠罕以瞻

天淩烟羽箭之班頓開生面湛露彤弓而上高倬

宸章凡茲迅奏之

庸功悉稟

遠謨於

心畫

十條



策授早權十勝之先幾十幅圖成允紹

十全之

大烈

典禮彌光於泮獻

寵頒載逮夫官聯

臣獲捧

球函叨分

寶墨思行間戰則必克披圖而壯志頻增仰

聖主安不忘危展卷而深情如繪從識

九重熙化象胥惟

舜律之從還欣咫尺瞻

顏豹尾慕

堯堦之近所有微臣感激忻忭下忱謹繕摺恭謝

天恩伏乞

皇上聖鑒謹

奏

道光十五年十月二十九日奉到

硃批知道了欽此

恭謝

御賜印心石屋四字扁額摺子

奏爲恭謝

天恩事本月初四日軍機大臣恭捧

御書印心石屋四字扁額傳

旨賜臣謹卽叩頭祇領

天題寵錫卿雲增石墨之華

宸翰

親頒霽采發山川之色感深黿戴慶溢蝸廬伏念臣楚  
省菲材山鄉下士昨於

召見之頃蒙

垂詢家世兼及里居比經縷悉具對

臣

家洞庭西南資

水之濱兩岸石壁屹立如門潭心有石方正若印

名曰印心石幼隨

臣

父結屋讀書其上門臨活水

喜尋溥博之源石借他山常凜琢磨之義逮涉蓬

瀛而窺中秘旋綰符綬而領兼圻介切銘心敢擬

中流一柱

恩深繫肘欣瞻朗映千潭每思若谷之

淵懷虛受有如投水愧乏迴瀾之厚力實行無補擎天

乃承齋額之

榮頒

特賁印心之嘉號拜易簡玉堂之貺飛白騰芳開文翁  
石室之圖汗青在望從此摹懸素壁用箴如水之

臣心還當鐫泐貞砥長煥輝山之

御寶所有微

臣

感激榮幸下忱謹繕摺恭謝

天恩伏乞

皇上聖鑒謹

奏

道光十五年十二月初五日在京具

奏本日奉到

硃批知道了欽此

恭進

御書印心石屋墨寶圖冊並謝

恩摺子

奏爲恭摹

御書墨寶併圖冊進

呈仰祈

聖鑒叩謝

天恩事

臣

聞河洛闢先天之秘一畫宣苞圖書流東壁

之光三能煜采是以赤文綠字炳十瑞而巍

堯玉檢金泥紉重華而慕

舜珠囊肇啟石墨爰鐫欽惟

皇上宥密單心

緝熙懋學

勅命幾康之暇庸有賡歌

怡神道德之餘兼資游藝圖標蒙養

題詞早播於前編檢切身修

志額彌殷於新宇偶爾觀瀾聽雨

抒懷總在民依無妨繪水模山

深意隱存

臣

鑒式瞻

鴻藻靡罄臆依

微臣

渥荷



釣埏身親

高厚比以朝

天述職因之乞假旋鄉蒙

詢里居在茱萸江之山峽遂邀

宸翰有印心石之

璿題若作室乃念肯堂承

賜書而標通德劉向傳經之地敢云樂在山林晏嬰更

壇之餘庶幾居於廉讓

天花灑處蓬華生春

琅管揮來松楸煥色旣而

霽顏屢接

清問頻蕃知兩岸有若重門千尋壁立復四字仍煩

太筆萬丈芒垂

特書屢書遂荷稠施而拜

貺一

命再

命更加何僂以承

恩以視尹玘常參獲一通而光榮已極卽論孫奭直閣

兼兩紙而寵幸猶希載奉

恩言允

臣

勒石捧出雲霞

天上畫麗銀鈎修來日月殿邊山開玉斧

體乾坤而爲法象

神模畢現於毫芒肖圭璧以成方圓元氣渾含於橐籥  
南崖旣選北牖旋凭念諸生就

日之忱岳麓無殊鄒魯况

列聖藏書之府瑯嬛宛在金焦爰亟重模快資咸覩蓮花  
峯下別通營道之潺流岫樓碑前更廣夔門之鑿

刻

大觀有耀經天緯地謂之文

盛蹟長留河岳日星壯其氣

徵臣

夙叨鯉對忝荷

龍光景

庥命以稟對揚仰

奎文而知

訓誨精懷鍊石慙無寸補於

雲天感切銘心長紀

殊恩於奕禩

臣

無任瞻幸屏營之至謹裝潢成軸並繪

刻圖冊綴記附後進

呈

御覽恭謝

天恩伏乞

皇上聖鑒謹

奏

道光十七年正月初七日奉到

硃批知道了欽此

安徽省志告成議敘謝

恩摺子

奏爲恭謝

天恩事頃准安徽巡撫鄧廷楨咨照到

臣

道光九年六

月初六日內閣奉

上諭鄧廷楨奏創修安徽省志告成一摺安徽省志自分省以來未經輯有通志道光五年陶澍奏准予限纂輯現據鄧廷楨奏稱業經修輯完竣竝繕寫正本呈覽此書由陶澍具奏創修鄧廷楨督辦蒞事陶澍鄧廷楨均着加恩交部議敘欽此欽惟我

皇上德隆丕冒

治洽同文廓絃振絡之餘莫非

聲教航海梯山之衆悉入輿圖

御書鐫鐵蓋山前西極恢而琳瑯煥色

宸製綴

玉瀾堂上東壁啟而翰墨流輝惟

皇朝大一統之規聿昭版籍知

聖人見天下之曠不下堂階

臣

隅見多封咫尺間未遠廿

年簪管虛窺宛委之藏十載觀風敢效輶軒之採

曩者備藩皖服持節舒州偶流覽於山川閒訪尋

夫人物量分楚紀無由讀三墳五典八索九邱地  
控吳都亦徒賦重關複江四會五達良由江分上  
下未有專書遂致世閱春秋難接墜簡盛美所在  
文獻缺如旣非體國經野之宜尤乏訓俗型方之  
要文武之政在方策豈曰無徵

堯舜之世有文章未遑多讓欣叨

聖訓

俯允輯修俾存掌故於蒲編爰訂程期於筴歲適臣易  
地未及成書鉛槧甫操詎足當三篋之補規模粗  
具實僅同一簣之登善歌有待於繼聲條理咸資



御律集議羣依乎

折衷始終允賴

宸謨茲者全帙告成正編進

覽總二百七十卷之富綜括靡遺自五年三四月以來

編摩罔懈地圖地事地俗敦土訓而一省攸關史

學史識史才罄臣力而三長早愧廼荷

絲綸特沛

甄敘偕頒弗曾手繪圖經亦拜賈耽之賜迄未自隨書

局儼分君實之褒追維屢歲之前

恩超異數計及造端之始

龍竝同人從知一技必庸於討論修飾潤色之初謀思  
適野願祝

萬齡有道以康樂和親安平之俗書上行人所有臣感  
激忭幸下忱謹繕摺恭謝

天恩伏乞

皇上聖鑒謹

奏

道光九年八月十九日奉到

硃批知道了欽此

恭謝

賞戴花翎摺子

奏爲恭謝

天恩事竊照海運全竣經

臣會同督臣琦善

奏報請將出力人員鼓勵一摺於六月二十四日奉  
到

硃批汝總辦此事諸凡妥順朕深嘉悅另有恩旨欽此  
並准兵部火票遞到道光六年六月十七日內閣  
奉

上諭海運事屬創始辦理維艱仰賴

神靈垂佑在事臣工竭誠宣力雇船兌運籌畫周詳  
兩次絡繹開放穩抵津門朕心深爲嘉悅自應卽沛  
恩施以昭獎勵琦善督飭有方可嘉之至著交部議  
敘陶澍親駐督辦深協機宜著賞戴花翎等因欽此  
跪領之下感悚交縈伏念臣職効鳬趨才慚鳩拙  
屬以漕河之偶阻議由瀛海以試行千帆張鷁首  
而飛聯行滬浦六月運鵬程而息銜尾津門鸚粒  
全輸烏旛不警

護由

神佑

御香賁而

藻翰同頒

訓稟

宸謨

天寵綏而花翎

特賜象析羽而加之首彩溢簪纓慶彈冠而尙以瓊輝  
主弁冕金枝絢日遙分鶴頂之文章翠羽影風何  
幸鴻毛之際遇舉頭知重附尾增榮翮朝日以翔  
衢和聲並應觀雲霄而傳翩翩翼彌殷從占達羽  
爲儀允戴

聖恩之高厚還共山龍耀袞載賜

盛世之光華所有臣感激榮幸下忱謹繕摺恭謝

天恩伏乞

皇上聖鑒謹

奏

道光六年八月初五日奉到

硃批知道了欽此

恭謝京察奉

諭議敘摺子

奏爲恭謝

天恩事頃

臣

於二月二十五日接准吏部咨開道光十

四年正月二十二日欽奉

硃諭三載考績大典攸關滿漢諸臣中有爲國宣勤盡  
心職守者允宜甄敘年老而精力未衰者仍應留任  
本年京察吏部將京外各大員具題請旨朕詳加酌  
定大學士長齡功宣絕域同德同心大學士曹振鏞  
久任軍機克勤克敬年登八袞精力如常大學士富

俊宣力有年公勤清慎年已八十有六精神頗健洵  
爲盛朝人瑞協辦大學士文孚戶部尙書穆彰阿王  
鼎承旨精詳匡勦是賴禮部尙書耆英管理步軍統  
領事務諸事認真頗知振作兩江總督陶澍辦事實  
心兩淮鹽務日有起色陝甘總督楊遇春中外宣勞  
功勲懋著俱著加恩交部議敘特諭等因欽此臣跪  
聆之下感悚交臻時屬當三載之期

龍光共覲日贊荷

九重之

眷驚策同登伏念

臣 鞭綫非長衣袂夙稟過蒙



知遇忝領封圻十三年江國承流毫無報稱一二日

天工時亮倍切敷宣屬當積潦在途罄野而哀鴻滿目  
更值熬波乏術巡場而形虎煎心小大事必由之  
與百爾勉修職業東南力已竭矣惟

一人允念艱難典守徒殷方自愧制事制心之要

主恩彌篤豈期預懋官懋賞之班是蓋伏遇我

皇上哲秉知人

誠能開物有馮有翼有孝有德官必惟其人汝明汝聽

汝翼汝爲

皇則錫之福官方澄敘

釐工實熙績之源府事修和

慎憲極

省成之效

臣仰承

埏埴幸列馳驅

天高

地厚之餘效職莫酬乎萬一益贊夔咨之下圖功彌惕

乎二三所期黼藻山龍永弼

盛時之熙皞庶藉鹽梅鼎鼐長調

聖世之祥和所有

臣

感激悚凜下忱謹繕摺恭謝

天恩伏乞

皇上聖鑒謹

奏

道光十四年三月二十六日奉到

硃批知道了欽此

恭謝

聖恩賞壽摺子

奏爲恭謝

天恩事道光十七年十一月二十九日

臣

齋摺并回奏

到

恩賞臣六十生辰

御書綏疆錫祐扁額一面

御書福壽字各一方梵銅壽佛一尊紫檀嵌玉如意一

柄洋晶朝珠一盤緋絲蟒袍一襲小卷江綢十端

綵綾十端壽意陳設十件

臣

當卽恭設香案望

闕叩頭祇領伏念

臣

材本驚駘姿同蒲柳渥承

雨露洊領疆圻迨鷹節鉞之榮倍重江淮之寄任兼鹽  
鐵方期積弊之徐回職統河渠且幸安瀾之普慶  
溯自飛芻海上翠羽

榮頒嗣蒙

晉秩宮端冰銜

特錫

虞廷考績荷

珠緯之優褒

軒陛來朝仰

璇毫之親麗方謂蟻忱勉竭莫報

殊恩豈期馬齒加增更邀

異數披來

鳳藻倬日星雲漢以昭回捧到

鸞縑與圭瓚璜琮而煥發散繹綏疆之義瞻

寶翰而倍切冰兢欽承

錫祐之庥仰

奎章而彌殷軒舞福之言備欣其託夫

龐祺壽訓爲酬冀永勦夫

駿烈禮莊嚴之寶相握溫潤之瓊枝拈一串以勾圓蕊

珠記事楊三英而晏粲藻火章身綵絢雲霞錦綺  
交綰於前席輝生金碧鼎彝羅列於中庭比桓生  
車服之陳榮分稽古銘考父僂偃之命凜切循牆  
臣惟有勉矢愚忱恪遵

恩訓冀初心之不負期晚節之益堅振刷精神百事更  
增夫勇敢捐除積習一心倍凜夫眞誠依  
壽寓而頌升恒疆清九服登

福林而歌昌熾

祐篤萬年所有微臣感激榮幸下忱謹繕摺恭謝

天恩伏乞

皇上聖鑒謹

奏

道光十八年正月初二日奉到

硃批知道了欽此